


經濟彙編

食貨典

古今圖書集成

中華書局
已蜀書局



經濟彙編 食貨典

古今圖書集成

中華書局 已刊書目

欽定古今圖書集成經濟彙編食貨典

第一百十七卷目錄

賦役部彙考七
唐二 天寶十則 肅宗一則 肅宗至德一則
則 永泰二則 大曆九則 德宗建中二則
興元一則 貞元四則

食貨典第一百十七卷

賦役部彙考七

唐二

天寶元年免百姓欠負租稅及諸色令州縣勘會人丁之數放免差役有差

按唐書元宗本紀不載 按舊唐書本紀天寶元年

春正月丁未朔大赦改元百姓所欠負租稅及諸色並免之

按杜佑通典元年正月敕文如聞百姓之內有戶高

丁多苟爲規避父母見在乃別籍異居宜令州縣勘

會其一家之中有十丁以上者放兩丁征行賦役五

丁以上者放一丁即令同籍共居以敦風教其侍丁

老者假免差科

天寶三載定人丁爲二等每歲庸調九月起徵

按唐書元宗本紀不載 按食貨志三載更民十八

以上爲中男二十三以上成丁

按舊唐書本紀三載十二月甲寅親祀九宮貴神大

赦天下百姓十八已上爲中男二十三已上成丁每

歲庸調八月起徵可延至九月 按食貨志三載又

降優制以十八爲中男二十二爲丁天下籍始造四

本京師及東京尚書省戶部各貯一本以備車駕行

幸省於載運之費焉 又按志三載二月二十五日

敕文每歲庸調八月徵以農功未畢恐難濟辦自今

已後延至九月三十日爲限

天寶五載詔貧不能自存者每鄉免三十丁男子七

十五以上婦人七十以上中男一人爲侍又停郡縣

日直課錢

按唐書元宗本紀不載 按食貨志五載詔貧不能

自濟者每鄉免三十丁租庸男子七十五以上婦人

七十以上中男一人爲侍八十以上以令式從事是

時海內富實米斗之價錢十三青齊間斗纔三錢絹

一匹錢二百道路列肆具酒食以待行人店有驛驢

行千里不持尺兵天下歲入之物租錢二百餘萬絹

粟千九百八十餘萬斛庸調絹七百四十萬匹綿百

八十餘萬屯布千三十五萬餘端天子驕於佚樂而

用不知節大抵用物之數常過其所入於是錢穀之

臣始事殷刻太府卿楊崇禮句剝分錄有欠折潰損

者州縣督選歷年不止其子慎矜專知太府久子慎

名知京倉亦以苛刻結主恩王錡爲戶口色役使歲

進錢百億萬緡非租庸正額者積百寶大盈庫以供

天子燕私

按舊唐書本紀五載五月癸卯停郡縣差丁日直課

錢

按杜佑通典五載制天下百姓單貧交不存濟者租

庸每鄉通放三十丁其年五月停郡縣官日直課錢

經濟彙編食貨典第一百十七卷賦役部

但計數多少同料錢加稅充用即應差丁充日直并

停

天寶六載免天下今載地稅其征行差科准飛騎例

蠲免

按唐書元宗本紀不載 按開府元龜六載正月詔

天下百姓今載地稅並去載應損郡通租應調諸色

勾徵變換等物及請延限並宜一切放免征行之家

每令存卹差科之際或未優矜自今已後並准飛騎

例蠲免

天寶七載詔免百姓今載未納地稅諸色及來載租

庸

按唐書元宗本紀七載五月壬午羣臣上尊號大赦

免來載租庸

按開府元龜七載五月甲戌開尊號畢大赦詔天下

百姓今載地稅并諸色勾徵欠負等色在百姓腹內

未納者并一切放免

天寶八載詔停徵逃戶租稅又詔男婦七十以上給

一子侍

按唐書元宗本紀八載閏六月丙寅羣臣上尊號大

赦男子七十婦人七十五以上皆給一子侍

按開府元龜八載正月敕朕永念黎元務弘愛育所

以惠政類及寬貸相仍亦將克致致和平登於仁壽如

開流庸之輩漸亦歸復浮食未還其數非廣靜言此

色並見其繇蓋爲宰牧等授任親人職在安戢稍有

逃逸恥言減耗籍帳之間虛存戶口調賦之際旁及

親鄰此弊因循其事自久藉緣典念良用憮然不有

釐革孰致殷阜其承前所有虛掛丁戶應徵租庸課

八三三八七

稅令近親鄰保代輸者宜一切並停應合除制各委本道採訪使與外州相知審細簡覆申牒所籍分其逃還復業者務令優恤使得安存縱先爲代輸庸不在贖還之限

天寶九載計天下轉年合入中男成丁五十者任追團貌

按唐書元宗本紀不載 按杜佑通典九年制天下雖三載定戶每載亦有團貌自今以後計其轉年合入中男成丁五十者任追團貌

天寶 載約計天下庸調租之數

按唐書元宗本紀不載 按杜佑通典天寶中天下計帳戶約有八百九十餘萬其稅錢約得二百餘萬貫大約高等少下等多今一例爲八等以下戶計之其八等戶所稅四百五十二等戶則二百二十二今通以二百五十爲率自七載至十四載六七年間與此大數或多少加減不同所以言約他皆類此其地稅約得千二百四十餘萬石兩漢每戶所墾田不過七十畝今亦准此約計數課丁八百二十餘萬其庸調租等約出絲綿郡縣計三百七十餘萬丁庸調輪絹約七百四十餘萬疋每丁計兩疋綿則百八十五萬餘屯每丁三兩六兩爲屯則兩丁合成一屯租粟則七百四十餘萬石每丁兩石約出布郡縣計四百五十餘萬丁庸調輪布約千三百五十萬餘端每丁兩端一丈五尺十丁則二十三端也其租約百九十餘萬丁江南郡縣折納布約五百七十餘萬端大約八等以下戶計之八等折租每丁三端一丈九等則二端二丈今通以三端爲率二百六十餘萬丁江北

郡縣納粟約五百二十餘萬石大凡都計租稅庸調每歲錢粟絹綿布約得五千二百二十餘萬端疋屯實石諸色資課及勾剝所獲不在其中據天寶中度支每歲所入端屯疋實石都五千七百餘萬計稅錢地稅庸調折租得五千三百四十餘萬端屯屯其資課及勾剝等當合得四百七十餘萬其度支歲計粟則二千五百餘萬石三百萬折充絹布添入兩京庫三百萬迴充米豆供尚食及諸司官廚等料並入京倉四百萬江淮迴造米轉入京充官祿及諸司糧料五百萬留當州官祿及還糧一千萬諸道節度軍糧及貯備當州倉布絹絲則二千七百餘萬端屯疋千三百萬入西京一百萬入東京三百萬諸道兵賜及和羅并遠小州便充官料郵驛等費錢則二百餘萬貫四百四十萬諸道州官課料及市驛馬六十餘萬添充諸軍州和羅軍糧自開元中及於天寶開拓邊境多立功勳每歲軍用日增其費糴米粟則三百四十萬疋段朔方河西各八十萬隴右百萬伊西北庭八萬安西十二萬河東節度及郡牧使各四十萬給衣則五百二十萬朔方百二十萬隴右百五十萬河西百萬伊西北庭四十萬安西三十萬河東節度四十萬郡牧五十萬別支計則二百一十萬河東五十萬幽州劍南各八十萬魏軍食則百九十萬石河東五十萬幽州劍南各七十萬大凡二千二百六十萬開元以前每歲邊夷戎所用不過二百萬貫自後經費日廣以至於此而錫資之費此不與焉其時錢穀之司唯務割剝迴殘贖利名目萬端府藏雖豐閭閻困矣

天寶十四載八月辛卯免今載租庸
按唐書元宗本紀云云

按開府元龜十四載八月辛卯天長節大赦制曰聖人積不涸之倉王者用無窮之府支計苟足多賦何爲天下百姓今載租庸並宜放免天下諸郡逃戶所欠租庸應復業者其親鄰已代出租庸不在徵賠之限 又按開府元龜十四載八月制天下諸郡逃戶有田宅產業妄被入破除并緣欠負租庸先以親鄰買賣及其歸復無所依投末言至此須加安輯應有復業者宜並却還縱已代出租稅亦不在徵賠之限國之役力合均有無比來應定門夫殊非得所每縣中男多者累載方始一差中男少者一周遂役數過既緣偏併豈可因循自今已後諸郡所差門夫宜於當郡縣通率准式納課分配令得均平

天寶十五載以第五琦爲江淮租庸使

按唐書元宗本紀不載 按通鑑綱目十五載八月賀蘭進明遣參軍第五琦入蜀奏事琦言今方用兵財賦爲急財賦所產江淮居多乞假臣一職可使軍無乏用上皇悅以爲租庸使

肅宗 年始以財賦歸大盈庫

按唐書肅宗本紀不載 按食貨志故事天下財賦歸左藏而太府以時上其數尚書比部覆其出入是時京師豪將假取不能禁第五琦爲度支鹽鐵使諸皆歸大盈庫供天子給賜主以中官自是天下之財爲人君私藏有司不得程其多少至德二載免天下租庸三分之一又給復諸州縣及陣亡之家有差

按唐書肅宗本紀至德二載十月癸亥給復鳳翔五載十二月戊午大赦瘞陣亡者致祭之給復其家二載免天下租庸來歲三之一給復潯州五載并鄧許滑宋五州雍丘好時奉先縣二載益州三載

按開府元龜二載十二月詔以討安祿山陣亡人家給復二載諸郡縣或隔絕賊境則困於幽殘或偏實官軍則弊於賦役其今載租庸三分放一其天下百姓應諸色人勾徵及欠負官物一切放免太原久遭圍逼給復三載上黨三度被攻給復五載其南陽潁川靈昌睢陽雍丘等郡縣堅壁多時力窮方下絕食尚守情亦可矜宜各給復三載其好時奉先兩縣進退禦寇徵求復多各給復三載蜀郡上皇親幸萬乘久居明載租賦宜依常式給復三載

乾元元年量免陷賊州稅詔天下百姓非租庸母輒役使又放今年租庸及免諸色役事

按唐書肅宗本紀乾元元年正月乙巳上上皇天帝開號曰聖皇天帝丁未大赦改元免陷賊州三歲稅四月甲寅朝享於太廟有事於南郊乙卯大赦賜文武官階勳爵天下非租庸母輒役使

按開府元龜元年正月開元號禮畢赦詔天下百姓今年租庸並放其百司府縣諸色雜供各宜減半其雜徭役非要切者一切並停其州因城陷被殺戮殘廢者委本道使勘實取實各量免其二年租賦其流亡戶復業者委本道使與刺史勾當賑給并與種子犂牛仍免三年租賦四月享廟禮畢詔天下百姓除正租庸外一切不得別有使役十月開成王為皇太子詔天下孝子順孫義夫節婦終身勿事

按通鑑綱目元年二月大赦改元盡免百姓今載租庸

乾元二年詔給復流民還者三年放免州縣諸色欠負

按唐書肅宗本紀二年二月丁亥詔流民還者給復三年

按開府元龜二年二月丁亥詔天下州縣應欠租庸課稅傳馬貨糧種子經糶變稅及管田少作諸色勾徵納未足者一切放免其正義等倉及諸色攤徵亦宜准此其至德二年十二月三十日已前和羅和市并欠負官物及諸色官錢欠利常平義倉欠負五色一切放免

實應元年租庸使元載苛徵江淮租調

按唐書肅宗本紀不載 按文獻通考實應元年租庸使元載以江淮雖經兵荒其民比諸道猶有資產乃按籍舉八年租調之逋負及逋逃者計其大數而徵之擇豪吏為縣令而督之不問負之有無貴之高下察民有粟帛者發徒圍之籍其所有而中分之甚者十取八九謂之白著有不服者嚴刑以威之民有蓄穀十斛者則重足以待命或相聚山林為羣盜縣不能制

代宗廣德元年免民逋負量放戶丁給復河北又詔畝稅二升男子二十五為成丁五十五為老

按唐書代宗本紀廣德元年七月壬子大赦改元免民逋負戶三丁免其一庸調給復河北三年回紇行營所經免今歲租 按食貨志元年詔一戶二丁者免一丁凡畝稅二升男子二十五為成丁五十五為

老以優民而蠲寇未夷民耗斂重及吐蕃逼京師近甸屯兵數萬百官進俸錢又率戶以給軍糧

按舊唐書食貨志元年七月詔一戶之中三丁放一丁庸調地稅依舊每畝稅二升天下男子宜二十三歲丁五十八為老

按開府元龜元年七月詔應徵稅租刺史縣令據見在戶徵科其逃亡死絕者不得虛攤鄰保廣德二年給復諸路初稅青苗又免越州租賦據天下實戶量差

按唐書代宗本紀二年三月辛丑給復河南府二年七月庚子初稅青苗十一月癸丑免越州今歲田租之半給復溫台明三州一年

按通鑑綱目二年秋七月稅青苗錢給百官俸唐租庸調之法填代宗以畝定稅數以夏秋時又以國用急不及秋苗方青即征之號青苗錢

按文獻通考二年赦天下戶口委刺史縣令據見在實戶量貧富等第科差不得依舊籍帳

末泰元年判度支第五琦請十畝稅一從之又委轉運使察諸州之科役百姓者

按唐書代宗本紀不載 按舊唐書本紀永泰元年五月奏稔判度支第五琦奏請十畝稅一畝效古什一而徵從之十二月己酉赦如聞諸州承本道節度觀察使課科役百姓致戶口凋弊此後季轉運使察訪以聞

永泰二年轉運鹽鐵置二使分領天下財賦又稅天下地青苗錢

按唐書代宗本紀不載 按食貨志初轉運使掌外

度吏使掌內永泰二年分天下財賦錢常平轉運
鹽鐵置二使東都畿內河南淮南江東西湖南荆南
山南東道以轉運使劉晏領之京畿關內河南劍南
山南西道以京兆尹判度支第五琦領之及琦貶以
戶部侍郎判度支韓滉與晏分治時同統有助收西
京功代宗厚遇之與中國婚姻歲送馬十萬匹酬以
銀帛百餘萬匹而中國財力屈竭歲負馬價河湟六
鎮既陷廣發防秋兵三萬戍京西資糧百五十餘萬
糈而中官魚朝恩方恃恩擅權代宗與宰相元載日
夜圖之及朝恩誅帝復與載君臣猜間不協邊計
兵食置而不議者幾十年而諸鎮擅地結為表裏日
治兵繕皇天子不能繩以法顯惡祠禱焚幣玉為
浮屠書度支稟賜僧祿歲以鉅萬計然帝性儉約身
所御衣必浣染至再三欲以先天下然生日端午四
方貢獻至數十萬者加以恩澤而諸道尚侈麗以自
媚朝夕圖事經歲不能遣置客省以居上封事不足
采者善夷貢獻未報及失職未叙者食度支數千百
人

按舊唐書本紀二年春正月丙戌以戶部尚書劉晏
充東都京畿河南淮南江南東西道湖南荆南山南
東道轉運常平錢鹽鐵等使以戶部侍郎第五琦
充京畿關內河東劍南西道轉運常平錢鹽鐵等
使至是天下財賦始分理焉 按食貨志二年五月
諸道稅地錢使殿中侍御史章光奇等自諸道使還
得錢四百九十萬貫乾元以來屬天下用兵京師百
寮俸錢減耗上即位推恩庶登下議公卿或以稅畝
有苗者公私咸濟乃分遣憲官稅天下地青苗錢以

充百司課料至是仍以御史大夫為稅地錢物使歲
以為常均給百官
大曆元年始征青苗錢及地頭錢又給復流民還者
三年停什一稅法

按唐書代宗本紀大曆元年十一月甲子大赦改元
給復流民歸業者三年 按食貨志元年詔流民還
者給復二年田園盡則授以逃田天下苗一畝稅錢
十五市輕貨給百官手力課以國用急不及秋方苗
青即征之號青苗錢又有地頭錢每畝二十通名為
青苗錢又詔上郡秋稅分二等上等畝稅一斗下等
六升荒田畝稅二升

按開府元龜永泰二年十一月庚辰敕曰
古者量其國用而立稅典必以經費用之輕重公田
之籍可謂通制履畝而稅斯誠辨法期於折衷以便
於時億兆不康君執與足故愛人之體先以博施富
國之源必在均節朕自臨宸極比屬艱虞嘗欲開敦
朴之風守沖儉之道每念黎庶思致和平而邊事猶
殷戎車屢駕軍興取給皆出邦畿九伐之師尚勤王
略千金之費重困吾人乃者遵再有之言守周公之
制什而稅一務於行古今則編戶流亡而墾田減稅
計量入之數甚倍徵之法納隍之懼當寧軫懷慮失
三農憂深萬姓務從省約稍冀蠲除用申動恤之懷
以救傳廢之弊其京兆府所奏今年秋稅八十二萬
五千石數內宜減放一十七萬五千石委黎幹據諸
縣戶口地數均平放免仍分明榜示百姓令知當戶
所減斛斗數訖奏聞其青苗地頭錢亦宜三分放一
先欠永泰元年地頭錢十四萬九千一百四十一貫

並宜放免朕當躬儉節用卹我黎元中夏漸寧庶有
康濟宣示百姓知朕意焉大曆元年十一月甲子日
長至帝御含元殿改元制其逃戶復者宜給復三年
又按開府元龜元年十一月制曰夫從簡之道大
易至言薄賦之規前王令範朕志遵儉約務欲惠人
微斂無期誠為勞弊天下百姓除正租庸及軍器所
須外不承正款一切不得輒有科率逃亡失業萍泛
無依特宜招綏使安鄉井其逃戶復業者宜給復三
年如百姓先貨賣田宅盡者宜委州縣取逃戶死口
田宅量丁口充給仍仰縣令親至鄉村安存處置務
從樂業以贍資糧王畿之間賦斂尤重百役供億當
甚艱辛哀我疲人良深憫念盡撤之稅著自周經未
便於人何必行古其什一之稅宜停

按通鑑綱目元年十一月停什一稅法先是畿內麥
稔第五琦請稅其麥畝收什一曰此古什一法也行
之二十年民多流亡至是停之
大曆二年正月戊寅給復同華二州二年
按唐書代宗本紀云云

按開府元龜二年正月既平周智光智光西川元
十二月叛詔曰求瘼卹隱諒在憂勤罷賦省徭與之
休息况因師旅供億煩繁故孝武侮征伐之事魏文
隆田租之復同華兩州百姓等項以賊臣背叛制在
兇威淫刑以逞厚斂無度閭閻之內杆軸其空朕肝
食增懷納隍自咎將問千紀之罪遂與無戰之師哀
我斯人困於日費有牛酒壺漿之禍有資糧罪屨之
供凋殘之餘何以堪此言念刑弊豈忘優矜宜給復
二年一切蠲免放仍委刺史縣令勞徠安集庶可小

人

人

田如能佃者宜准今年十月二十九日勅一切每畝稅二升仍委京兆尹及令長一一存撫令知朕意大曆五年定夏秋之稅青苗錢倍加之

按唐書代宗本紀不載 按食貨志五年始定法夏上田畝稅六升下田畝四升秋上田畝稅五升下田畝三升荒田如故青苗錢畝加一倍而地頭錢不在焉

按舊唐書食貨志五年三月優詔定京兆府百姓稅夏稅上田畝稅六升下田畝稅四升秋稅上田畝稅五升下田畝稅三升荒田開佃者畝率二升

大曆七年十月乙亥以淮南早免租庸三之二十一月庚辰免巴蓬渠集壁充通開八州二歲租庸

按唐書代宗本紀云云

按舊唐書本紀七年十一月庚辰詔自項蕃戎入寇巴南屢多征役其巴蓬渠集壁充通開等州宜放二年租庸

大曆八年勅京畿青苗地頭錢准諸州例每畝十五文又定諸邑丁匠納錢代役之數

按唐書代宗本紀不載 按舊唐書本紀八年春正月癸卯勅天下青苗地頭錢每畝十五文率京畿三十文自今一例十五文 按食貨志八年正月二十五日敕青苗地頭錢天下每畝率十五文以京師煩劇先加至三十文自今已後宜準諸州每畝十五文

按冊府元龜八年正月詔諸邑丁匠如有情願納贖代役者每月每人任納錢二千文

大曆十年四月癸未給復昭義五州二年

按唐書代宗本紀云云

大曆十二年給復金州二年

按唐書代宗本紀十二年四月金州人卓英璘反六月乙巳英璘伏誅給復金州二年

按冊府元龜十二年元載主書卓英倩家在金州英倩附托元載權倖上列及載伏法英倩坐誅英倩弟英璘遂盜官器伏擁子弟豫險要以拒朝命帝發禁兵千人及山南西道兵千人分道討之王師至英璘黨大潰是州以英倩之故頗至殘傷特詔給復二年十一月庚辰詔曰朕以黎元者君之肢體傷之則慘

但賦稅者國之衣食均之則贍濟然特圖其本先假貧人之獲安所謂富國所以底慎財用備省征徭期致理於太寧庶自邇而及遠如聞巴南諸州自頃年以來西有蕃夷之寇南有羌戎之聚歲會戎事城出革車子弟困於征徭父兄疲於餽餉賦益煩重人轉流亡荒田既多頻歲仍儉戶口凋耗居邑蕭然去桑梓之重還保山林以自活念性命於俄頃或逡巡於敗壤傳不云乎窮斯濫矣願共同井夫豈不懷哀我矜人蓋非獲已朕之不德自咎良深其巴蓬渠集壁充通開等州宜放二年租庸及諸邑徵科亦宜蠲免仍委本道觀察使及刺史縣令切加招撫

德宗建中元年始以楊炎議行兩稅法 按唐書德宗本紀建中元年正月辛未遣黜陟使於天下二月丙申初定兩稅 按食貨志租庸調之法以人丁爲本自開元以後天下戶籍久不更造丁口轉死田畝買賣富升降不實其後國家修費無節而大盜起兵興財用益屈而租庸調法弊壞自代宗時始以畝定稅而徵以夏秋至德宗相楊炎遂作兩

稅法夏輸無過六月秋輸無過十一月置兩稅使以總之量出制入戶無主客以居者爲簿人無丁中以貧富爲差商賈稅三十之一與居者均役田稅視大曆十四年墾田之數爲定遺黜陟使按比諸道丁產等級免課募俸獨不濟者敢有加徵以枉法論議者以租庸調高祖太宗之法也不可輕改而德宗方信用炎不疑也舊戶三百八十萬五千使者按比得主戶三百八十萬客戶三十萬天下之民不土斷而地著不更版籍而得其虛實歲徵錢二千五十餘萬緡米四百萬斛以供外錢九百五十餘萬緡米千六百餘萬斛以供京師 按楊炎傳初定今有租賦庸調法自開元承平久不爲版籍法度玩愒而丁口轉死田畝換易富升降悉非向時而戶部歲以空文上之又成邊者獨其租庸六歲免歸元宗事夷狄戎者多死邊將諱不以開故實籍不除天寶中王鉞爲戶口使方務聚斂以其籍存而丁不在是隱課不出乃按舊籍除當免者積三十年責其租庸人苦無告故法遂大敝至德後天下起兵因以饑饉百役並作人戶凋耗版圖空虛軍國之用仰給於度支轉運使四方征鎮又自給於節度都團練使賦歛之司數四莫相統攝綱目大壞朝廷不能覆諸使諸使不能覆諸州四方貢賦悉入內庫權臣巧吏因得旁緣公託進獻私爲賊盜者動萬萬計河南山東荆襄劍南重兵處皆厚自奉養王賦所入無幾科斂凡數百名廢者不削重者不去新舊仍積不知其涯百姓竭膏血鬻親愛旬輸月送無有休息更因其苛覓食於人富人多丁者以宦學釋老得免貧人無所入則丁存故課

死於上而賦增於下是以天下殘瘁為浮人鄉居地著者百不四五其賦乃請為兩稅法以一其制凡百役之費一錢之數先度其數而賦於人量出制入戶無主客以見居為簿人無丁中以貧富為差不居處而行商者在所州縣稅二十之一度所取與居者均使無僥利居人之稅秋夏兩入之俗有不便者正之其租庸雜徭悉省而丁額不廢其田畝之稅率以大曆十四年墾田之數為準而均收之夏稅盡六月秋稅盡十一月歲終以戶賦增失進退長吏而尚書度支總為帝善之使論中外議者沮詰以為租庸令行數百年不可輕改帝不聽天下果利之自是人土斷而地著賦不加斂而增入版籍不造而得其虛實吏不誡而姦無所取輕重之權始歸朝廷按舊唐書本紀元年春正月辛未御丹鳳門大赦天下自艱難以來徵賦名目頗多今後除兩稅外輒率一錢以枉法論甲午詔東都河南江淮山南東道等轉運租庸青苗鹽鐵等使尚書左僕射劉晏頃以兵車未息權立使名久勦元老集我庶務悉心瘁力垂二十年朕以征稅多門鄉邑凋耗鑒於羣議思有變更將置時和之理宜復有司之制爰所領使宜停天下錢穀委金部倉部中書門下據兩司郎官准格式調掌二月丙申遣黜陟使一十一人分行天下是歲戶部計帳戶總三百八萬五千七百有六賦入一千三百五萬六千七百七十貫鹽利不在此限按杜佑通典元年制百姓及客等約丁產定等第均率作年支兩稅其應稅斛斗據大曆十四年見佃青苗地額均稅夏稅六月內納畢秋稅十一月內納畢

其舊租庸及諸邑名目一切並停凡權衡度量之制度以北方秬黍中者一季之廣為分十分為寸十寸為尺十尺為丈量以秬黍中者容十二百為倉二倉為斛十合為升十升為斗十斗為斛權衡以秬黍中者百黍之重為銖二十四銖為兩三兩為大兩十六兩為斤兩鍾律測景合湯藥及冠冕制用小升小兩自餘公私用大升大兩諸課役每年計帳至尚書省度支配來年事限十月三十日以前奏記若須折受餘物亦先支料同時處分若是軍國所須庫藏見無者錄狀奏聞不得便即科下諸庸調物每年八月上旬起輸三十日內舉九月上旬各發本州租調車舟未發間有身死者其物却還其運脚出庸調之家任和願送達所須裏求調度折庸調充隨物輸納諸租準州土收穫早晚斟酌量路程險易遠近次第分配本州收穫訖發遣十一月起輸正月三十日內納畢若江南諸州從水路運送冬月水淺上凍艱難者四月以後運送五月三十日內納完其輸本州者十二月三十日內納畢若無粟之鄉輸稻麥熟即輸不拘此限即納當州未入倉窖及外配未上道有身死者并却還應貯米處折粟一斛輸米六斗其雜折皆隨土毛准當鄉時價諸邊遠州有夷獠雜類之所應輸課役者隨事酌量不必同之華夏諸任官應免課役者皆待調符至然後注免符雖未至驗告身灼然實者亦免其雜任被解應附者皆依本司解時日月據徵諸春季附者課役並徵夏季附者免課從役秋季附者俱免其詐冒隱避以免課役不限附之早晚皆徵當發年課役逃亡者附亦同之諸人居狹鄉樂

遷就寬鄉者去本居千里外復三年五百里外復二年三百里外復一年一遷之後不復更移諸沒落外蕃得還者一年以上復三年二年以上復四年三年以上復五年外蕃之人投化者復十年諸部曲奴婢放附戶實復三年諸孝子順孫義夫節婦志行闕於鄉閭者尚書省奏聞表其門閭同籍悉免課役諸丁匠歲役工二十日有閭之年加二日須留役者滿十五日免調三十日租調俱免過正役並不過五十日又按通典尚書省度支總天下經費自安祿山反至德乾元之際置度支使永泰之後度支罷使置轉運使以掌其外度支以掌於內建中初又罷轉運使復歸度支分命黜陟使往諸道收戶口及錢穀名數每歲天下共斂三千餘萬貫其二千五百餘萬貫以供外費九百五十餘萬貫供京師稅米麥共千六百餘萬石其二百餘萬石供京師千四百萬石給充外費按開府元龜元年正月制自艱難以來徵賦名目繁雜委黜陟使與諸道觀察使刺史作年支兩稅徵納比來新舊徵科色目一切停罷兩稅外輒別率一錢四等官准擅典賦以枉法論其軍府支計等數惟大曆十四年八月七日勅處分二月發黜陟使分往天下作兩稅之法凡百役之費一錢之數先度其數而賦於人量出以制入戶無土客以見居為簿人無丁中以貧富為差行商者在所部郡縣稅三十之一居人之稅秋夏兩徵之俗有不便者二之餘徵賦悉罷而丁額不廢其田畝之稅率以大曆十四年墾數為準徵夏稅無過六月秋稅無過十一月違者進退長

吏令黠陽使各量風土所宜人戶多少均定其賦稅
尚書度支總統焉

按玉海元年正月五日遣黠陽使與觀察使及刺史
轉運所由計百姓及客等約丁產定等第均率作年
支兩稅如當處土風不便更立一限其比來徵科色
目一切停罷二月十一日丙申仍與觀察使刺史計
人產等級爲兩稅法此外斂者以枉法論八月宰相
楊炎上疏奏曰至德之後軍國之用仰給於度支轉
運二使四方征鎮又自給於節度團練使朝廷不能
覆諸使諸使不能覆諸州四方貢獻悉入內庫令請
作兩稅法以一其名

建中三年給復易定等六州三年詔天下兩稅錢每
貫增二百

按唐書德宗本紀三年二月甲戌給復易定深趙恆
冀六州三年
按舊唐書本紀三年五月丙戌增兩稅每貫增二百
八月丁未初分置汴東西水陸運兩稅鹽鐵事從戶
部侍郎判度支趙贊奏也 按食貨志三年五月淮
南節度使陳少遊請於本道兩稅錢每千增二百因
詔他州悉如之

按開府元龜三年既誅李惟忠下詔易定深趙嘗冀
節度觀察管内百姓除本道所用外者給復三年
興元元年獨復諸州有差

按唐書德宗本紀興元元年正月癸酉大赦改元給
復奉天五年城中十年六月癸丑以梁州爲興元府
給復一年已已給復洋州一年加給興元一年免鳳
州今歲稅七月丙子大鳳翔免今歲秋稅辛卯大赦

給復京兆府一年

按開府元龜元年春正月癸酉在奉天行宮受朝賀
畢大赦改元制其奉天昇爲赤縣仍給復五年在縣
城內者給復十年六月癸丑詔改梁州爲興元府百
姓給復一年已已詔曰朕巡狩於南自春涉夏師旅
殷會日費斯廣州閭杆軸歲計其空東作妨時西成
罕望雖僉僉從事人不告勞而愧悼積衷予實知咎
昨者減其租稅優以復除庶乎有瘳汔用小息洎駕
言旋軫躬履艱途絕嗣繁迴危棧綿亘時經途瘴道
路阻修工徒造舟縣人葺路長幼耄耋莫復事居而
又齋荷糗糧共備頓舍涉於千里獨我六師居人露
處而罔息宿麥過時而不獲觀此妨奪彌增感傷前
所蠲除未足酬卹式敷惠澤以艾大勞其興元府除
先減放秋稅給復外更給復一年洋州除放秋稅外
給復一年鳳州全放今年秋稅七月丙子車駕至鳳
翔詔鳳翔府管内今年秋稅及去年已前逋欠並宜
放免辛卯大赦制京兆府百姓普恩外給復一年
貞元元年八月已卯給復河中同絳二州一年
按唐書德宗本紀云云

按舊唐書本紀貞元元年夏四月已卯江陵度支院
失火燒租賦錢數百餘萬時關東大饑賦調不入由
是國用益窘秋七月甲戌收復河中已卯詔河中同
絳百姓給復一年

按開府元龜元年八月李懷光平詔河中府及同絳
百姓並經陷賊生業廢棄與言軫念良用憫然宜各
給復一年
貞元二年給復淮西一年兩稅青苗等錢聽民折納

又捐酒戶差役

按唐書德宗本紀二年四月甲申給復淮西二年
按舊唐書本紀二年春正月甲寅詔天下兩稅錢物
委本道觀察使刺史差人送上都其先置諸道水陸
轉運使及度支巡院江淮轉運等使並停冬十月壬
午奏關內河中河南等道秋夏兩稅青苗等錢悉折
納粟麥兼加估收糶以便民從之十二月壬申京城
畿內權酒每斛權錢一百五十文獨酒戶差役從度
支奏也

按開府元龜二年四月李希烈平詔淮西百姓等久
經淪陷兼被傷夷想茲凋殘實足哀愍除供當道軍
用之外宜給復二年將士之中不樂在軍願歸農桑
者委節度使刺史量給逃戶死尸田宅并借貸種糧
優復終身使之存濟
貞元三年上敕于新店與野人趙光奇語復其家

按唐書德宗本紀不載 按開府元龜三年十二月
庚辰臘上敕于新店幸野人趙光奇家問曰百姓樂
乎對曰不樂帝曰仍歲頗稔何不樂乎對曰蓋由陛
下詔令不信於人所以然也前詔云兩稅之外悉無
他徭今非理而誅求者殆過之後又云和糶於百姓
曾不識一錢而強取之始云所糶粟麥納於道次今
則運至於京西行營動過數百里車摧牛斃破產奉
役不能支也百姓愁苦如此何有於樂乎雖頻降優
卹之詔而有司多不奉之亦恐陛下身在九重未之
知也帝感異之因詔復除其家
貞元四年詔兩稅審等第高下三年一定戶並放免
一切錢米

按唐書德宗本紀不載 按食貨志朱泚平天下戶口三耗其二貞元四年詔天下兩稅審等第高下三年一定戶自初定兩稅貨重錢輕乃計錢而輸絀絹既而物價愈下所納愈多絹匹爲錢三千二百其後一匹爲錢一千六百輸一者過二雖賦不增而民愈困矣度支以稅物頗諸司皆增本價爲虛估給之而繇以滋惡晉州縣創價謂之折納復有進奉宣索之名改科役曰召願率配曰和市以巧避徵文比大層之數再倍又糶疫水旱戶口減耗刺史折戶張虛數以寬責逃死關稅取於居者一室空而四鄰亦盡戶版不編無浮游之禁州縣行小惠以傾誘鄰境新收者優假之唯安居不遷之民賦役日重帝以問宰相陸贄贄上疏請蠲革其甚害者大略有六其一曰國家賦役之法曰租曰調曰庸其取法遠其敘財均其域人固有田則有租有家則有調有身則有庸天下法制均壹雖轉徙莫容其姦故人無搖心天寶之季海內波蕩版圖隳於避地賦法壞於奉軍賦役舊法行之百年人以爲便兵興供億不常誅求壞制此時弊非法弊也時有弊而未理法無弊而已更兩稅新制竭耗竭耗日滋甚陛下初即位宜損上益下奮用節財而摘郡邑驗簿書州取大層中一年科率多者爲兩稅定法此總無名之暴賦而立常規也夫財之所生必因人力兩稅以資產爲宗不以丁身爲本者產少者稅輕多者稅重不知有藏於襟懷囊篋物貴而人莫窺者有場園園倉直輕而衆以爲富者有流通蓄息之貨數寡而日收其贏者有虛舍器用價高而終歲利寡者計估算繕失平長僞挾輕費轉

徙者脫徭稅數本業者困徵求此誘之爲姦賊之避役也今徭賦輕重相百而以舊爲準重處流亡益多輕處歸附益衆有流亡則難出已重者愈重有歸附則數出已輕者愈輕人嬰其弊願詔有司與宰相量年支有不急者罷之廣費者節之軍興加稅諸道權宜所增皆可停稅物估價宜視月平至京與邑權符者不得虛稱折估有滋惡罪官吏勿督百姓每道以知兩稅判官一人與度支參計戶數量土地沃瘠物產多少爲二等州等下者配錢少高者配錢多不變法而通逃漸息矣其一曰播殖非力不成故先王定賦以布麻績績百穀勉人功也又懼物失貴賤之平交易難準乃定貨泉以節輕重蓋爲國之利權守之在官不以任下然則穀帛人所爲也錢貨官所爲也人所爲者租稅取焉官所爲者賦斂拾焉國朝著令稅出穀庸出絹調出綸布麻局皆禁人鑄錢而以錢爲賦今兩稅效算繕之末法估資產爲差以錢穀定稅折供雜物歲目頗殊所供非所業所業非所供增價以市所無減價以貨所有耕織之力有限而物價貴賤無常初定兩稅萬錢爲絹三匹價貴而數不多及給軍裝計數不計價此稅少國用不充也近者萬錢爲絹六匹價賤而數加計口蠶織不殊而所輸倍此供稅多人力不給也宜令有司覆初定兩稅之歲絹布定估爲布帛之數復庸調舊制隨土所宜各修家技物甚賤所出不加物甚貴所人不減且經費所資在錢者獨月俸資課以錢數多少給布廣鑄而禁用銅器則錢不乏有糧鹽以入直糧酒以納資何慮無所給哉其三曰廉使奏吏之能者有四科一曰

戶口增加二曰田野墾闢三曰稅錢長數四曰率辦先期夫貴戶口增加詭情以誘姦淫苛法以析親族所誘者將讓薄征則遽散所析者不勝重稅而亡有州縣破傷之病貴田野墾闢率民墾荒田限年免租新畝雖開舊倉蕪矣人以免租年滿復爲汚萊有稼穡不增之病貴稅錢長數重困疲羸骨體滯澁苟媚聚斂之司有不恤人之病貴率辦先期作威殘人絲不容纖粟不暇春貧者奔迸有不想物之病四病繇考覈不切事情之過驗之以實則租賦所加固有受其損者此州若增客戶彼郡必減居人增處邀賞而稅數加減處懼罪而稅數不降國家設考課之法非欲崇聚斂也宜命有司詳考課績州稅有定徭役有等實然後報戶部若人益阜實稅額有餘據戶均減十三爲上課減二次之減一又次之若流亡多加稅見戶者殿亦如之民納租以去歲輸數爲常罷據額所率者增闕勿益租庸不降數定戶之際視雜產以校之田既有常租則不宜復入兩稅如此不督課而人人樂耕矣其四曰明君不厚所資而害所養故先人事而借其服力家給然後敘餘財今督收迫促軍方興而輸糧農功未艾而敘穀有者急賣而耗半直無者求假費倍定兩稅之初期約未詳屬征役多故率先限以收宜定稅期隨風俗時候務於紓人其五曰項師旅臺典官司所儲唯給軍食凶荒不遑賑救大小之則取息利大乏則鬻田廬欲獲始畢執契行貸饑歲室家相棄乞爲奴僕猶莫之售或盜死道途天災流行四方代有稅茶錢積戶部者宜計諸道戶口均之穀麥熟則平糴亦以糴倉爲名主以

巡院時稔傷農則優價廣糴穀實而止小款則借貸循環敝散使聚穀幸災者無以牟大利其六曰古者百畝地號一夫蓋一夫授田不得過百畝欲使人不廢業田無曠耕今富者萬畝貧者無容足之居依託疆家爲其私屬終歲服勞常慮不充有田之家坐食租稅京畿田畝稅五升而私家收租畝一石官取一私取十種者安得足食宜爲占田條限裁租損有餘優不足此安富恤窮之善經不可捨也贊言雖切以議逐事無施行者

按開府元龜四年正月一日大赦百姓逋欠一切放免九月詔曰興至化者務積於人故欲薄斂長國家者以養爲利故使以時賑撫區夏宵旰忘勞苟可以助化濟人嘗思大小皆益近以中夏甫寧頗動經費遂收諸道停減將士糧料用叶權宜言念疲疴重茲供億其貞元四年已徵到及在路者即依前送其在百姓腹內者並放免五年已後每年合收一百萬八十八貫石亦宜放免委本道觀察使各具當管州所放開奏并曉示百姓初建中末國家多難諸道咸加詔將士赴國難兩稅外別徵資糧以給之及復京師悉罷歸農去歲宰相李泌請自貞元二年已後追收其資費納於戶部謂之諸道減將士錢乃遣度支員外郎元友直巡州府搜察之既而稅輸錢米百餘萬人力殫竭殆不堪命使臣多懇訴帝潛然而悟特詔免之自是東南之訛復安其業

欽定古今圖書集成經濟彙編食貨典

第一百十八卷目錄

賦役部彙考八

唐三貞元八則 憲宗元和十四則 穆宗長
唐三貞元八則 憲宗元和十四則 穆宗長

食貨典第一百十八卷

賦役部彙考八

唐三

貞元六年閏四月乙卯詔免京兆府夏稅

按唐書德宗本紀云云

按開府元龜六年閏四月早詔京兆府諸縣田合徵夏稅者除水利地外一切放免其過種秋苗者亦不在收稅限

貞元八年章舉請增稅從之復以諸道水災特詔量免

按唐書德宗本紀不載 按舊唐書本紀八年夏四月

月丁酉章舉請十二而稅以給官吏從之丙午以東都河南淮南江南嶺南山南東道兩稅等物令戶部

侍郎張滂主之以河內河東劍南山南西道等財戶

部尚書判度支班宏主之一遵大曆故事如劉晏韓

混分掌焉五月丙辰初增稅京兆青苗畝三錢以給

掌開張翥

按開府元龜八年秋八月江淮荆湘陳宋至於河朔

連有水災十二月詔曰惠下恤人先王之政典視年制用有國之常規故有出公粟以振困窮施賑征以寬物力乃者諸道水災臨遣宣撫省覽條奏載懷惻惻其州縣府田苗損五六者免今年稅之半七分已上者皆免委度支條以聞奏朕撫臨億兆思致和平理化未臻長增愧畏

貞元十二年河南尹齊抗疏陳兩稅以錢爲稅之弊不報詔減放號州及京畿賦租

按唐書德宗本紀不載 按食貨志十二年河南尹

齊抗復論其弊以爲軍興國用稍廣隨要而稅吏擾人勞墜下變爲兩稅督納有時食舉無容其姦二十年間府庫充初但定稅之初錢輕貨重故墜下以錢

爲稅今錢重貨輕若更爲稅名以就其輕其利有六

更絕其姦一也人用不擾二也靜而獲利三也用不

乏錢四也不勞而易知五也農桑自勤六也百姓本

出布帛而稅反配錢至輪時復取布帛更爲三估計

折州縣升降成姦若直定布帛無估可折蓋以錢爲

稅則人力竭而有司不之覺今兩稅出於農人農人

所有唯布帛而已用布帛處多用錢處少又有鼓鑄

以助國計何必取於農人哉疏入亦不報

按舊唐書本紀十二年冬十月壬戌詔以京畿早放

租稅

按開府元龜十二年二月號州刺史崔衍奏所部多

是山田且當郵傳衝要屬歲不稔頗有流離舊額賦

租特乞蠲減號居華陝之間而稅重數倍青苗錢華

陝之郊畝出十有八而號之人畝徵七十行乃上其

事時裴廷齡領度支方務聚斂乃詰行以前後刺史

無言者衍又上陳人困日久有司不宜以不訴爲議

表辭切直有詔乃減號州青苗錢 又按開府元龜

十二年十月詔京兆府所奏奉先等八縣旱損秋苗

一萬頃計予三萬六千二百石青苗錢一萬八千二

百貫比緣春夏少雨秋稼或傷頃畝雖損非多黎庶

猶慮艱食况緩甸之內供應實煩須有優矜以寬疲

瘵其所奏損特宜放免先是州府奏水旱損苗別差

官檢覆多有異同之議又追集人戶煩擾州府至是

帝知其弊故特允其奏朝野歡慶

貞元十四年詔諸道州府放百姓通負

按唐書德宗本紀不載 按舊唐書本紀十四年春

正月庚寅詔諸道州府應貞元八年至十一年兩稅

及權酒錢在百姓腹內者總五百六十萬七千貫並

除放

按開府元龜十四年正月詔曰朕臨御兆人爲之父

母思底於道俾安其生然則邦計不可不供封隲且

以集事而累經水旱或有流庸積成逋懸薄以凋瘵

每念於此惕然疚懷中宵已興思極其弊將以憫其

疾苦致於康寧豈可更擾疲人尙爲微斂宜弘善貸

以惠困窮其諸道州府應欠負貞元八年九年十年

兩稅及權酒錢總五百六十萬七千餘貫在百姓腹

內一切並免如已徵得在官者宜令所司具條疏聞

奏於戲天生蒸人君爲司牧百姓不足過責在予永

思其艱載用祗畏宣示中外令知朕懷與議以所欠

錢物等多是浮於編氓腹中各已逃移年月且久縱

令所司徵納亦無從而致雖有此詔亦無益於百姓

矣

貞元 年始受諸道進奉置官市使取物於市

按唐書德宗本紀不載 按食貨志初德宗居奉天

儲畜空窘書遣卒視賑以苦寒乞補袴帝不能致則

親王帶金而署之朱泚既平於是帝屬意聚斂常賦

之外進奉不息劍南西川節度使韋皋有日進江西

觀察使李兼有月進淮南節度使杜亞宣觀察使

劉贊鎮海節度使王緯李絳皆徵射恩澤以常賦入

貢名爲羨餘至代易又有進奉當是時戶部錢物所

在州府及巡院皆得擅留或繕密旨加餽諸官吏刻

祿累增稅通津死人及蔬果凡代易進奉取於稅入

十獻二三無敢問者常州刺史裴肅蕭新炭案紙爲

進奉得遷浙東觀察使刺史進奉自肅始也劉贊卒

於宣州其判官嚴綬領軍府爲進奉召爲刑部員外

郎判官進奉自綬始也自裴延齡用事益爲天子積

私財而生民重困延齡死而人相質是時宮中取物

於市以中官爲官市使兩市置白望數十百人以鹽

估敝衣絹帛尺寸分裂酬其直又索進奉門戶及脚

價錢有賣物入市而空歸者每中官出沽漿賣餅之

家皆徹肆塞門諫官御史數上疏諫不聽人不堪其

弊戶部侍郎蘇弁言京師游手數千萬家無生業者

仰官市以活奈何罷帝悅以爲然京兆尹韋澳奏小

人因官市爲姦真偽難辨宜下府縣供送帝許之中

官言百姓賴官市以養者也澳反得罪

貞元十八年免京兆府及蔡中光三州租稅又詔京

畿諸縣苗錢錢粟聽民輸納

按唐書德宗本紀不載 按開府元龜十八年二月

免京兆府通稅二萬二千貫七月蔡申光三州言春

大水夏大旱詔其當道兩稅除當軍將士春冬衣服

及支用外各供上都錢物已徵及在百姓腹內量放

二年 又按開府元龜十八年十月詔京畿諸縣百

姓應今歲苗錢錢其中有便於納粟者計約時估價

納之如便於納錢不便於納粟者宜聽委京兆府專

督其務如縣令及主吏聖命者悉罰有差國家經計

富有儲蓄百姓微賦深可優於所期使人亦冀均濟

否爾長吏宜悉朕懷

貞元二十年獨京畿諸縣通租

按唐書德宗本紀不載 按開府元龜二十年二月

詔曰去夏迄秋頗愆時雨京畿諸縣稼穡不登朕用

軫慮愧爲其父母今宿麥未收其通租宿貸六十五

萬貫石宜蠲除之禮化之本繫乎京師副朕憂人屬

於長吏宜勉務農桑各安生業以論朕懷

貞元二十一年正月丙申順宗即位二月甲子罷宮

市乙丑罷鹽鐵使月進

按唐書順宗本紀云云 按食貨志同

按舊唐書本紀二十一年六月丙申詔二十一年十

月已前百姓所欠諸色課利租賦錢帛共五十二萬

六千八百四十一貫石匹束並宜除免

按開府元龜順宗以貞元二十一年正月丙申即位

制天下諸州府應須夫役車牛驢馬脚價之類并以

兩稅錢自備不得別有科配仍并依兩稅元勅處分

仍永爲常式不得擅有諸色權稅 又按開府元龜

二十一年二月甲子大赦天下案百姓應欠貞元二

十一年二月三十日已前權酒及兩稅錢物諸色通

懸一物已上一切放免京畿諸縣應今年秋夏青苗

錢並宜放免六月丙申詔曰朕君臨寰海子育兆人

思欲阜其財求俾遂生殖然後導之以禮樂齊之以

政刑典康讓之風洽和平之理而比聞官司之內尚

有通懸每念黎蒸用深憂軫永言勸諭宜有蠲除其

莊宅使從貞元元年月至貞元二十年十月三十日已

前畿內及諸州府莊宅店鋪車坊園囿等項地等所有

百姓及諸色人應欠租課兩稅見錢綿絲草等共五

十二萬餘並放免朕方與人休息致之富壽物有不

得其所事有可利於人寤寐求思予無所愛宜加曉

示令悉朕懷

憲宗元和元年十月甲子減劍南東西川山南西道

今歲賦

按唐書憲宗本紀云云

按開府元龜元和元年九月西川平十月詔西川百

姓等久陷兇逆不免傷殘其兩稅錢等委本道觀察

使量與於減其東川州縣及山南西道當兇徒焚剽

之後王師攻取之辰發稅備軍繕完補缺一日之費

豈止千金三軍所資盡出百姓永惟勞弊朕所軫懷

其東川元和二年上供錢物並放留州留使錢委觀

察使量事於減仍具數奏聞山南西道元和二年上

供錢量放一半

元和二年獨諸州賦稅賜復產子者又李吉甫上元

和國計簿

按唐書憲宗本紀二年九月己卯免潤州今歲稅

按舊唐書本紀二年十二月己卯史官李吉甫撰元

和國計簿總計天下方鎮凡四十八管州府二百九

十五縣一千四百五十三戶二百四十四萬二百五

十四其鳳翔鄆坊邠寧振武涇原銀夏靈鹽河東易定魏博鎮冀范陽滄景淮西淄青十五道凡七十一州不申戶口每歲賦入倚辦止於浙江東西官歛淮南江西鄆岳福建湖南等八道合四十九州一百四十四萬戶比量天寶供稅之戶則四分有一天下兵戎仰給縣官者八十三萬然人比量天寶士馬則三分加一率以兩戶貢一兵其他水旱所損徵科發餼又在常役之外吉甫都纂其事成書十卷

按開府元龜二年正月辛卯有事於南郊還御丹鳳樓大赦天下制天下應有逋欠在百姓腹內者及京畿今年夏苗錢並放免淮南江南去年已來水旱疾疫其租稅節級蠲放是月又詔曰今人有產子者復勿算三歲令諸懷妊者賜胎養數人三斛復其夫勿算一歲著以爲令二月壬申制以浙江西道水旱相乘獨放去年兩稅上供三十四萬餘貫四月戊午朔庚申制以劍南西川所管新羅兵革獨放去年兩稅權酒上供錢五十六萬餘貫今年者免其半七月辛卯獨劍西南川常賦錢米貫石七十餘萬以經劉闢亂故也十月潤州將張子良等既擒逆賊李錡制曰每念疲屯久罹虐政而又迫於逆命驅以備軍糧餽則漕以漏厄傷殘則烈於猛火永言於此如納諸陸宜申獨貸之恩冀息歌吟之苦其潤州今年秋稅未徵納者一切放免其管內諸州如李錡作亂之後橫加徵剝委元素審加勸貢具色日聞奏其權酒錢亦宜處置開奏元和三年罷除官受代進奉分天下之賦爲三日上供送使留州

按唐書憲宗本紀三年正月癸巳罷諸道受代進奉錢按食貨志憲宗又罷除官受代進奉及諸道兩稅外權率分天下之賦以爲三一曰上供二曰送使

三曰留州宰相裴均又令諸道節度觀察調費取於所治州不足則取於屬州而屬州送使之餘與其上供者皆輪度支是時因德宗府庫之積頗約費用天子身服勞澤及劉闢李錡既平普藏皆入內庫

按舊唐書裴均傳先是天下百姓輸賦於州府一曰上供二曰送使三曰留州建中初定兩稅時貨重錢輕是後貨輕錢重齊人所出固已倍其初征以其留州送使所在長史又降省估使就實估以自封殖而重賦於人及均爲相奏請天下留州送使物一切令依省估其所在觀察使仍以其所置之郡租賦自給若不足然許徵於支郡其諸州送使額悉變爲上供故江淮稍息肩

元和四年度支奏諸道兩稅徵斂不常請加釐革詔置兩稅使周視四方民受其利

按唐書憲宗本紀四年正月壬午免山南東道淮南江西浙東湖南荆南今歲稅

按舊唐書本紀四年十二月壬申中丞李夷簡奏諸州府於兩稅外違格科率請諸道鹽鐵轉運度支巡院察訪報臺司以憑舉奏從之

按開府元龜四年正月詔元和三年諸道應遵水旱所損州府合放兩稅錢米等損四分以下者宜准此處分損四分已上者並准元和元年六月十八日勅文放免又按開府元龜四年二月度支奏諸州府應上供受稅足段及留使留州錢物等每年正段估

價稍貴其留使留州錢即聞多是徵納見錢及賤價折納正段既非齊一有損疲人伏望起元和四年已後據州縣官正料錢數內一半任依京官例徵納見錢支給仍先以郭下兩稅戶合給見錢充如不足即於當州兩稅內據實均配支給其餘留使州雖給用錢即請各委州府並依送省輕貨中估折納正段充如本戶稅錢較少不成端正者並任折納絲綿如舊例徵納雜物斛對支用者即任准舊例處分其折納正段定中估仍委州縣精加揀擇如有濫惡所由官并請准今年正月十五日旨條處分應帶節度觀察使州府合送上都兩稅錢既須差綱發遣其留使錢又配管內諸州供送事頗重疊其諸道留使錢伏請各委節度觀察使先以本州舊額留使及送上都兩稅錢充如不足即於管內諸州兩稅錢內據實均配其諸州舊額供使錢即請隨夏稅旨限收送上都度支收入次年旨符便爲定制伏以諸道兩稅徵斂不常閭井之間頗聞困弊臣今類會如前勅所納正段并依中估明知加價納物務在利及疲人若更徵剝實錢即是重傷百姓自今已後送省及留使正段不得剝徵折估錢但委刺史縣令分明告諭令加意織造不得濫惡故違節級科貳其供軍營業等價直合以留州使錢充者亦令見錢足段撥納仍具每州每使合納見錢數及州縣官俸料納一半見錢數同分折聞奏仍便納入今年旨條以爲常制餘依先是天

下方鎮恣意誅求皆以實估徵於人虛估聞於上幸臣裴均深知其弊俾有司奏請釐革江淮之人今受其賜

按會要四年六月詔兩稅法不定物估爰命帖職周視四方以揚子鹽鐵留後爲江淮已南兩稅使江陵留後爲荆衡漢沔東界彭蠡南及日南兩稅使度支山南西道分巡院官充三川兩稅使收復瀘青十二州命諫議大夫王彥威爲兩稅使

元和五年度支奏准分配見錢之制

按唐書憲宗本紀不載 按開府元龜五年正月度支奏諸州府見錢准勅宜於管內州據都徵錢數逐貫均配其先不徵見錢州郡不在分配限都配定一州見錢數任刺史著百姓穩便處置其勅文不加減者即准州府所申爲定額如於勅額見錢外輒擅配一錢及納物不依送省中估刺史縣令錄事參軍節及科貶

元和六年免京兆府及諸州租稅放百官職田果

按唐書憲宗本紀不載 按舊唐書本紀六年冬十月己巳詔朕於百執事羣有司方澄源流以責實效轉運重務專委使臣每道有院分督其任今陝路漕引悉歸中都而尹守職名尚仍舊實又諸道都團練使足修武備以靖一方而別置軍額因加吏祿亦既虛設頗爲浮費思去煩以循本期省事以便人其河南水陸運陝府陸運渭州鎮海軍宣州采石軍越州義成軍洪州南昌府福州靖海軍等使額並宜停所收使已下俸料一事已來委本道充代百姓關額兩稅仍具數奏聞

按開府元龜六年二月制曰編戶之征既有藝極字毗之要當恤有無苟徵斂不時則困弊無日近緣諸州送使錢物同充上供合送使者使司又立程限所

以每至歲首給用無資不免量抽夏稅新陳未接營辦尤艱委觀察使且以供軍錢方員借使輒不得量抽百姓夏貢有差先乎任土周弊殊等實在便人近日所徵布帛並先定物樣一側作中估受納精粗不等退換者多轉將貨賣皆致損折其諸道留使留州錢數內綿帛等但有用途隨其高下約中估物價優饒與納則私無棄物官靡通財其所納見錢仍許五分之中量徵二分餘三分兼納實估足段六月命京兆府其兩稅宜以粟麥絲絹折納 又按開府元龜六年二月甲午勅泗州二年水旱所損不虛其欠元和五年錢四千六百四十貫米三千一百石等宜並放免四月丁亥浙江東道觀察使李遜奏當道台明溫婺四州貞元五年准詔權加官健一千五十八人今請停罷歸農其衣糧稅外所徵錢米並請蠲放從之又免鄂岳道逃戶錢十三萬五千貫十月戊寅制曰朕聞王者之牧黎元也愛之如子視之如傷苟或風雨不時稼穡不稔則必除煩就簡惜力重勞以圖便安以阜生業况邦畿之內百役所叢難勤卹之令亟行而供億之制猶廣重以經夏炎曠自秋霖雨南畝虧播植之功匹成失豐登之望內乏口食外牽王徭豈惟轉徙之虞慮有餓殍之患斯蓋理道稽顙和氣未通永言於茲良所告歎宜加惠貸式示誠懷比者每令折糶本以使人爲意今田穀所收其數既少必恐徵納之後種食不充其京兆府宜放今年所配折糶粟二十五萬石如百姓有粟情願折納即於時價外特加優饒與納仍令當處收貯委度支逐便支用今春貸百姓義倉斛斛屬歲早歉須議優矜宜令

所司各至豐收日徵填京兆府從元和五年已前諸縣租稅有通懸錢在百姓腹內者放免其百官職田數額甚廣近緣水潦道路不通計搬運腳價所費倍倍矜令寬濟使其安存其破損外職田粟宜令逐近貯納仍委度支隨便支用其職田粟送城脚價亦宜放免百官今年本分職田粟據損數外宜令於太倉請受其草及水田租既緣城中無可題給即宜據損數外准舊例令今年穀內田苗應水旱損處無聞至今檢覆未定又屬霖雨所損轉多有妨農收應致勞擾其諸縣勘覆有未畢處宜令所司據元訴狀便與破損不必更令檢覆其未經申訴者亦宜與類例處分朕以爲理之本在乎安人咨爾尹京宰邑之臣實惟親人阜俗之寄必當詢其疾苦奉我詔條恤隱爲心無怠於事罔或徇利以剝下吐剛而茹柔使閭井或安憚廢復濟各勉忠效宜悉朕懷閏十二月乙巳勅畿內百姓頃以秋稼早損農收不登言念疲黎每務矜恤乃者詔命既下各已加恩如聞村閭之間尚慮乏食更宜優貸以惠吾人其粟及大豆除已徵納外見在百姓腹內者宜令全放青苗錢欠在百姓腹內者量放一半

元和七年放免諸色錢粟給復魏博等六州一年 按唐書憲宗本紀七年十一月辛酉敕魏博具衛道相六州給復一年

按開府元龜七年二月庚寅制元和六年諸色稅草并職田草共一百一十五萬束並宜放免又有常賦錢穀蠲放之餘貧弊者多慮難輸入欲令寬恤須有優矜其京兆府欠去年兩稅青苗等錢二萬一千八